



মাধ্যমিক ও উচ্চমাধ্যমিক শিক্ষাবোর্ড, কুমিল্লা

বিষয়: জেএসসি/এসএসসি/এইচএসসি সার্টিফিকেটে বয়স ও নিজ/পিতা/মাতার নাম সংশোধনের নিয়মাবলী।

সংশ্লিষ্ট সকলের দৃষ্টি আকর্ষণ করা যাচ্ছে যে, জেএসসি, এসএসসি, এইচএসসি সার্টিফিকেটে বয়স ও নামের ভুলের কারণে বয়স ও নাম সংশোধনের জন্য বিপুল সংখ্যক সেবা গ্রহীতা বোর্ডে আবেদন করেন। আবেদনে ভুল করাসহ যথাযথ প্রমাণক না থাকায় বোর্ডের কমিটি কর্তৃক আবেদন নামঞ্জুর করা হয়। বয়স ও নাম সংশোধন সহজে নিষ্পত্তির জন্য নিচে বর্ণিত নিয়মাবলী অনুসরণ করার অনুরোধ করা হলো।

ক) নামের আক্ষরিক সংশোধন সংক্রান্ত নিয়মাবলী :

আবেদনকারীর নিজের/পিতার/মাতার নামের উচ্চারণ পরিবর্তন হয় না এমন অক্ষর পরিবর্তন, সংযোজন বিয়োজনসহ বানান সংশোধন যেমন: Zillur>Jillur, Shahidul>Sohidul ইত্যাদি Md. Mosa. Mst. বাদ দেওয়া/পূর্ণ রূপ করা বা Mohammad, Mosammat সংক্ষিপ্ত Md, Mst, Mosa. করা/ ডট (.), হাইফেন (-) বাদ দেওয়া, নামের অংশ বিশেষ একসাথে করা, উপনাম বা পেশগত পদবী যেমন: Dr., Late, Advocate, Professor, Haji, Mawlana, Sree ইত্যাদি বাদ দেওয়ার ক্ষেত্রে আক্ষরিক সংশোধনের জন্য অনলাইনে আবেদন করা যাবে। এক্ষেত্রে প্রমাণক হিসেবে ▶আবেদনকারীর ছবি ▶জন্মনিবন্ধন সনদ ▶নিজ/পিতা/মাতার জাতীয় পরিচয় পত্র/পাসপোর্টের স্ক্যান কপি অনলাইনে সংযুক্ত করতে হবে। উল্লেখ্য আক্ষরিক সংশোধনের আবেদনের জন্য এফিডেভিট প্রয়োজন নেই।

আবেদনের লিংক: কুমিল্লা শিক্ষাবোর্ডের ওয়েবসাইটের আভ্যন্তরীণ ই-সেবার ▶অনলাইনে আক্ষরিক সংশোধনের আবেদন।

খ) নামের সংশোধন সংক্রান্ত নিয়মাবলী :

আবেদনকারী নিজের/পিতার/মাতার নামের উচ্চারণ পরিবর্তন হয় এমন বানান, নামের সাথে উপনাম সংযোজন ও বিয়োজন, ভুল নাম সংশোধনের ক্ষেত্রে অনলাইনে আবেদন করা যাবে। এক্ষেত্রে প্রমাণক হিসেবে ▶আবেদনকারীর জেএসসি/এসএসসি/এইচএসসি সনদ ▶প্রাথমিক সমাপনী সনদ (উপজেলা শিক্ষা অফিসার কর্তৃক সংশোধিত) ▶পারিবারিক সনদ/ওয়ারিশ সনদ (স্মারক নম্বর উল্লেখসহ) ▶উপজেলা নির্বাচন অফিস থেকে নিজ / বাবা / মায়ের অনলাইন ভেরিফাইড জাতীয় পরিচয়পত্র (NID) ▶জন্ম সনদ, পাসপোর্ট (যদি থাকে)▶ ভাই/বোনের সনদ অথবা ভাই/বোনের অনলাইন ভেরিফাইড জাতীয় পরিচয়পত্র (NID) ▶ছেলে/মেয়ের সার্টিফিকেট (নিজ নামের আংশিক পরিবর্তনের ক্ষেত্রে) ▶সাম্প্রতিক তোলা পাসপোর্ট সাইজের এক কপি ছবি সংযুক্ত করতে হবে। উল্লেখ্য এ ধরনের সংশোধনের এফিডেভিট/পেপার বিজ্ঞপ্তির প্রয়োজন নেই।

আবেদনের লিংক: কুমিল্লা শিক্ষাবোর্ডের ওয়েবসাইটের আভ্যন্তরীণ ই-সেবার ▶অনলাইনে নাম ও বয়স সংশোধনের আবেদন।

গ) বয়স সংশোধন সংক্রান্ত নিয়মাবলী :

আবেদনকারীর সনদে বয়স ভুল হলে অনলাইনে আবেদন করা যাবে। বয়স সংশোধনের ক্ষেত্রে প্রমাণক হিসেবে ▶প্রথম শ্রেণির ম্যাজিস্ট্রেট কর্তৃক এফিডেভিট; ▶আবেদনকারীর জেএসসি / এসএসসি সনদ ▶প্রাথমিক সমাপনী সনদ (উপজেলা শিক্ষা অফিসার কর্তৃক সংশোধিত) ▶ জন্ম তারিখ উল্লেখসহ পারিবারিক সনদ/ওয়ারিশ সনদ (স্মারক নম্বর উল্লেখসহ) ▶জাতীয় পরিচয়পত্র (NID) ▶ জন্ম সনদ, পাসপোর্ট (যদি থাকে) ▶ ভাই/বোনের সনদ ▶ভর্তি রেজিস্ট্রার/ সংশ্লিষ্ট পাতার প্রতিলিপি ▶ সাম্প্রতিক তোলা পাসপোর্ট সাইজের এক কপি ছবি সংযুক্ত করতে হবে।

আবেদনের লিংক: কুমিল্লা শিক্ষাবোর্ডের ওয়েবসাইটের আভ্যন্তরীণ ই-সেবার ▶অনলাইনে নাম ও বয়স সংশোধনের আবেদন।

এখানে উল্লেখ্য, অনলাইনে আবেদন করার সময় প্রদত্ত মোবাইল নম্বরে প্রাপ্ত ইউজার আইডি ও পাসওয়ার্ড ব্যবহার করে ডিজিটাল পেমেন্ট গেটওয়ের মাধ্যমে অনলাইন পেমেন্ট করে মানি রিসিট সংগ্রহ করতে হবে। অনলাইন আবেদন সম্পূর্ণ করার পর সংশ্লিষ্ট শিক্ষা প্রতিষ্ঠানের প্রধানের সঙ্গে যোগাযোগ করে অনলাইন আবেদনটি অনুমোদন করিয়ে নিতে হবে। নির্দিষ্ট সময়ে আবেদনটি নাম ও বয়স সংশোধন কমিটির সভায় উপস্থাপনের পর কমিটি কর্তৃক গৃহীত সিদ্ধান্ত আবেদনের সময় প্রদানকৃত মোবাইল নম্বরে SMS এর মাধ্যমে জানিয়ে দেয়া হবে। SMS প্রাপ্তির পর চিঠি প্রিন্ট করে অনলাইনে ফ্রেশ কপির জন্য আবেদন করতে হবে। তবে আক্ষরিক সংশোধনের আবেদনে প্রতিষ্ঠান প্রধানের অনুমতির প্রয়োজন নেই।

উপ-সচিব (একাডেমিক)

নাম ও বয়স সংশোধন শাখা

মাধ্যমিক ও উচ্চমাধ্যমিক শিক্ষাবোর্ড, কুমিল্লা

ফোন: ০২৩৩৪৪০৬৪৬৩

মোবাইল: ০১৭০৮৪৩৪৮৩৩